

MUKOMI YOMUTUNA

MI YAMAATA KAUFELA



Ki kakusasana, ku mina. Ki “Paseka Yatabo” ku mañi ni mañi wa mina! Le ki leliñwi la mazazi amatuna hahulu, mwa kupuzo ya zuho ya Mulena luna. Ki leliñwi la mazazi a matuna hahulu a litaba za kale za lifasi. Ki zuho. Mi lu tabile hahulu fa kuba mo, kakusasana mo, ka lizazi lelituna lee. Ni kubona lizazi ha li pazula, ni mapalisa a mela mwa lifasi, lika kaufela libulela za Zuho.

Mi cwale ha lu inamiseni litoho zaluna fa nako nyana.

² Mulimu Ndate, fapila Kubateni kwa Hao lwa taha. Mi lu kulubela Wena ku lufa, kakusasana cwana, ñambekelo yeñwi fahalimu yezwa kwa Lihalimu, ku ngunyuta nyana fa Zuho mwa mioyo ya luna kasibili; kuli nako ye lu ka zwa moo, lukone kubulela cwana, sina bani baba zwile kwa Emausi kuli, “Hanili lipilu zaluna ne li tuka mwahali ku luna, bakeñisa Kubateni kwa Hae?” Kakuli, lu kupa ka Libizo la Hae, ni kwa Kanya ya Hae. Amen.

³ Mwa buka ya mafelelezo, kauhanyo ki 28 ya Evangeli ya Muhalaleli Mateu, ni timana ya 7, Ni lakaza kubala palo foo, halunze lukena mwa sebelezo yee.

Mi muakufe, mu yo bulelela balutiwa ba hae kuli u zuhile kwa bafu; mi, amubone, wa itangeta kuya kwa Galilea; mu ka yo mubona kwateni: kifo, Ni mi bulelezi.

⁴ Kubile litumo zeñata hahulu zeñata zefilwe ku mutu ni sicaba sa lifasi lee. Kono ha ku si kaba kale tumo yebutokwa luli yeswana sina ye, “Amuyo bulelela balutiwa ba Hae kuli U zuhile kwa bafu.” Yeo kona tumo yetuna. Mi libaka fela taba ye se ne ifezwi, neli kuli nekuna ni kuba kukoma kokutuna, pili.

⁵ Kubile batu mwa mazazi aluna, ni mwa mazazi afelile a kwa mulaho, ni mwa litaba zetuna kale za lifasi, mwa butuna bwa zona, libaka zetuna za lindwa; kubile bakomi babatuna, litaba zetuna zeñata ze ezelizwe lusika lwa batu.

⁶ Ka mutala, Ni nahana kuli, hanze Ni taha kwanu kakusasana cwana, ne ni zuhile kamapakela luli, mi ne ni sina kolo ya kubala katata. Kakuli, Ne ni sa zibi fela kalulo yeswanela, maabani busihu, yelukaba ni yona kacenu, mwahala mulisana ni Na, mwa lisebelezo. Kono mwa musipili waka inge nitaha, Na nahana taba yeñwi, kakusasana cwana, yekaba nto yende ye Ni ka bulela kwa sicaba sa Hae, kuli ni fe liñusa. Na hupula cwana ka zakuli, “Amuyo bulelela balutiwa ba Hae.”

Cwale, *balutiwa* ba Hae kona “balateleli” ba Hae. *Mulutiwa* ki “mutu ya latelela yomuñwi.” Mi Na hupula tuto ye, yakuli, *Mukomi Yomutuna Mi Yamaata Kaufela*.

⁷ Ni ku nahana bakomi babañata babatua bo lunani mwa lifasi mo, ni lika zetuna ze ba ezize kwa kuzwisezapili ni kunolofaza mukwa wa bupilo. Ne ni sweli kunahana za Napoleon yomutuna, kwa mazazi a kale, mwa na bezi muuna wamu French hande, kono nabile ni sesiñwi mwa munahano wa hae. Pili, na—na sika kuteka France, na sa lati cwalo. Na zwelela kwa lioli. Kono nabile ni mulelo mwa muhupulo wa hae, kuli, zazi leliñwi u ka koma. Mi libaka la na nahanela zeo mwa muhupulo wa hae, nana ni za na beleka fateni.

⁸ Ku muuna kaufela, usika eza kale musebezi, una ni kuba ni munahano, mukwa omuñwi oliteñi, sesiñwi so belekela fateni, kuba mulelo o sebeza, sika sa kubeleka ka sona.

⁹ Mi sina ha lu ziba kaufela, ka kunga litaba za kale za Hitler. . . kamba, isiñi Hitler, kono za—za Napoleon, kuli naile kwa kweli, ni ka kucinca kwa linaleli. Na belekile ka nzila yeo, inza kulubela; kakuli yona nako iliñwi yana ezize cwalo yani, ona fani akoma. Mi ataha kwa France, a to ba mulwani yomutuna muhali. A bulaya batu babañata hahulu, kakuli ne ba sa lumelelani ni yena. Mi akenisa naha ya habo, kwa sika kaufela sene si sa lumelelani ni yena. Na i bulaelela fela kaufela, kakuli nabata kuli ibe ona ka nzila yani. Haiba nasike aba ni yona ka nzila yani, ne ku kaba sene si ka mu lwanisa ka nako kaufela, ni mulelo wa hae omutuna wa na ikupulezi mwa toho. Bupilo bwa hae tota nebukaba mwa butata, kacwalo nana ni kuba ni mubuso wa hae kaufela ona ka kupetahala mwa na konela kubela ni ona.

¹⁰ Ni nahana cwale kuli musweli mwa ni latelela mwa taba yee, ya Mukomi yomutuna yo Ni sweli kunahana. Kaufela zeli mwa Mubuso wa Hae liswanela kuba za Hae. Li lukela kuba ka pilu, moyo, ni mubili, libe ku Yena. Hakuna ze lukona ku Mu nyaza ka zona. Kaufela ze ne Mu lwanisa, Na li lwanisize. Yena na lukela kuba ni lika kaufela za Hae. Mi cwale. . .

¹¹ Napoleon, alwala mazoho, lindalamiti, litobolo, likumisa, malumo. Mi aya cwalo ni ona muhupulo woo, kuli uka koma lifasi. Mi mane aeza ona cwalo handende, ana ni myaha ye mashumi amalelu ni yemilalu. Ha na li fela mucaha, nali yatabela kuhanisa hanisa litaba. Mi kabubo ka hae ka mu bubanisa ka mukwa wa kuipaheka; mane ka muisa fa kulyanga, kufitela a yo shwa fa myaha ye mashumi amalalu ni yemilalu, ali fela ndalabangwana. Apalelwa ku li yemela. Mi Ni nahana za muuna cwana, yoo ka nako ye, fa myaha ya lilimo ze mashumi amalalu ni zetalu, na sa komile kale lifasi ni kushwa ali fela ndalabangwana, kakuli bakeñisa kabubo ka hae, mi alibala mulao luli wa na za lwanela. Na li yena—na li yena mufuta wateni, kamba, isiñi mufuta, Ni bulele, kono na li sisitusiso sa

diabulosi. Mi alika kulwanisa lifasi ku li sinya, kono apalelwa, ka myaha ye mashumi amalalu ni ye milalu.

¹² Kono, oh, yena ndatetuna, Ndwalume yomutuna ye Ni bulela za hae yoo, fa silimo sa mashumi amalalu ni zetalu, akoma lika kaufela ze neliteni mwa lifasi ni mwa—mwa lihele. Fa myaha ye mashumi amalalu ka yemilalu, ali Mukomi yomutuna mi yamaata kaufela!

¹³ Ni nahana ka za lindwa zetuna ze lwanilwe mwa simu. Lwa ziba, ka kufeleleza ni Napoleon, kuli na ti lo fita fa Mafelelezo a swabisa. Neli kolo yaka, ha ki kale hahulu, ka kutalima fa malikanyiso ana ezizwe a makoloi a hae ana sinyizwe, ni a baana bapahami ba lipizi ni batu, ni mo ne ba i tuhelezi mafulo a ndwa. Mi makoloi a bundama hamoho, mawili a lobeha, mane ni kwande mwa mabala, ko ne kuezahalela pono tuna yee.

¹⁴ Mi ha ki bapanyo ni yeo: ka kulemuha kuli muuna wa myaha ye mashumi amalalu ni yemilalu, ni bumaswe bo bufumaneha kwani mwa sibaka sa kupuzo ya ndwa tuna ya hae ni kukoma; mi cwale ni kuya kwa Jerusalema, ni kutalima fa libita le lili mukungulu, sina kupuzo ya Mukomi yamata kaufela.

¹⁵ Ka manzwi amañwi, kuna ni sesiñwi mwa kukoma. Haiba luna ni se lu lwanela, haiba kuna ni butuku mwa mubili waluna, mi lusweli kulwanela mwahala lifu ni bupilo, ha ki tulo ni yeo ha lu bona kuli za komiwa. Haiba lu lwanisa mukwa o muñwi omutuna, kamba nto yeñwi yetuna ye lu kataza, lindembela zetuna ha li pepela ni kubona kuli lu komile; ha ki maikuto ni ao e si lufa, mwahali ku luna, kakuli fo kipeto lwakona kuba bakomi.

¹⁶ Cwale Ni nahana za ndwa, ni kuli fani Hitler ha na hapile Warsaw. Mi ma German ba hupula kuli yani neli iliñwi ya litulo zetuna hahulu ku ze ne kaba teñi, kakuli kuti kapitao wabona yomutuna, Adolf Hitler, na tisibize lika kaufela mwa Warsaw, aluba luba mitano, mane mutano omutuna wa wa. Mitende ya patalaza maswaniso amañata a kuwa kwa mutano. Ma German ba caula mwa mikwakwa, ni kuliza milupa mane ba liza ni lipindo ka miloli, mi likitikiti za lifulai za fufa fufa fahalimu hae, ha na koma tulo ya hae yetuna. Nainzi sina Alexander Yomutuna, kamba Napoleon, kuli akome lifasi, kono ki kai kwa na i lo felela? Mwa maswabi. Kiniti, a shwa.

¹⁷ Na hupula ha ba yaha Burma Pass yetuna yani. Ku swanela kuba . . . haiba ne ba ka yo silela kwabuse bwa lilundu. Babañwi ba bashimani bateni mo kakusasana cwana, mwendi, bona babasilile situpa sesituna sani. Ha ki musebezi ni woo kwa kukatalisa! Musebezi tuna o ne ibile ni ona, ni butuna bwa musebezi o ne ba ezize! Ni masheleñi buñata ana sinyehile fa kuyaha Burma Pass yeo, neli ma milioni a madollar! Bashimani bene ba shwezi mwateni ka kueza cwalo! Kono kwa nalulelule, ni kasamulaho wa nako nyana, maili ya mafelelezo ya musipili hane

se i zambilwe, mi ni tumelelo imano eziwa, ka mo ne bahuwezi ka tulo kuutwahala mwahala sicaba! Nebana ni tumelelo ye ne ba ka sila malundu ka yona, kuli bakome ndwa.

¹⁸ Ni nahana za tumelo yeñwi, kuli zazi leliñwi ya tiseleza bupilo bwa Mulena luna ya fuyozwi. Ne si fela nzila ya fa lifasi, kono neli nzila ye bapukile yebizwa “nzila ya kukena,” koo baba si ka kena habana kuzamaya teñi, kono konji fela bani babana ni liswayo. Konji bona fela babali kwa neku la Hae, kona babaka fita ka nzila tuna yeo.

¹⁹ Litulo zetuna se li winilwe. Buñata bwa luna kacenu lwakona kuhupula hande za Ndwa Yapili ya Lifasi. Na hupula ha Ne ni sa li fela mushimani yomunyinyani, Na utwa lipindo ha li liziwa; mane neba linjimi, mwa simu, ne ba yemisa lipizi zabona, ni ku zukuza likuwani za bona. Neba huwa. Ne ba kalumuka. Kiñi ze ne ezahalile? Ndwa ne i felile. Tulo ne i winilwe. Sifumu sesituna sene lu lwanela, mafelelezo lwa koma mane lwa ba ni tulo.

²⁰ Ni nahana ka za ndwa ya mafelelezo ya lifasi yee. Ne ni pila fela fabuse bwa mukwakwa. Mi cwale lipindo ha ne likala kuliziwa, sicaba ne si matela mwa mapatelo; basali ni litenge zabona inge baitamile zona, ba li tubula, ni kuli potolosa mwahalimu. Malumo a tobolo afefauka mwa likota. Lipindo ni miloli zalila. Limota za mata mata mwa mikwaka ka lubilo ka kulakaana. Sicaba sa wa ka mañwele asona, ni kunanula mazoho a sona. Ba huwa. Ba lila. Kiñi? Kakuli ndwa ne se ifelile. Mi baba fuyozwi, bashimani babande bene ba li mwabuse bwa liwate, neba sutelela ni kukuta kwa mahae ku bona. Ha ki tulo ni yeo! Ha ki nako ni yeo, mi ki tabo kwa pilu yaka! Ha ki nyakalalo ni yeo! Busihu bwani, mañi ni mañi nali mwa tabo yefitelezi, nemuka kena mo ku lekiswa lico ni ku icela, ni kuzwa mane kusina kulifa, nekukaba fela hande. No ka itusisa mota ya mutu, nekunaba fela hande. Ne muka kupa semubata kaufela, mi ne mu ka fiwa fela. Kakuli kiño? Tulo i winilwe. Bashimani ne ba kutela kwa hae. Ne li kai ni kai.

²¹ Mi Na nahana fela, muzwale waka, kinto yetata luli kuli mifuta ya maikuto ani haikoni kuinelela ka nako kaufela. Kono, ku Mukreste kakusasana cwana, tulo i winilwe kale. Milangu ya tabo i sweli yalila. Ndwa i felile, mwahala Mulimu ni mutu. Ndwa i komilwe kale.

²² Tulo i si ka komiwa kale, ku lukela kuba kuikataza kokutuna ko kunga sibaka. Oh, haki teko ni yeo! Mi fokuñwi ki lika zetuna luli, mi litisanga mañiba amatuna luli, ku holofala zangana. Kono, fa kuli kube lilundu, lu na ni kuba ni musindi. Lu si ka ba kale ni kumonyeha kwa lizazi, luna ni kuba ni pula. Lu si kaba kale ni liseli, lu swanela kuba ni busihu. Lu si ka ba kale ni zelukile, nebana ni kuba ni ze maswe, ku si cwalo nemusike mwa ziba se si maswe.

23 Kono fakuli kube ni ku koma ni kuwina ndwa yetunatuna yekilwe ya winiwa fateni, Alimuñwi na zwile mwa Kanya, myaha yemiñata ñata kwamulaho. Mi Na si ka ikungela fahalimwa Hae kuba mufuta wa Lingeloi. Na si ka taha sina mutu yomuñwi yomutuna. Kono Na ka bonisa kuli ha si lwali likumisa ni malumo, ni lindalamiti za atomic, fa kuwina ndwa. Na apezi za kuluka kwa Hae, inge mbututu yomunyinyani, mi a pepelwa mwa sicelo. Nekusina neba sibaka sa kuli Apepelwe mwateni, nako Ya taha. Ni bata kotalima fa libyana ze shutana za ndwa, za Na itusisize.

24 Cwale, lusika lwa Adama neluli mwa butanga kaufela lona. Nebali kwani, kusina sepo, kusina Mulimu, kusina kolo, kusina sishemo, kusina sika kaufela sene si ka ba tusa. Lila zetuna, za mwa libaka za kwatasi a baba latehile, ne li kwalezwi kwani mwa lififi. Nekusina nzila ya kuzwa ka yona. Nekusina ya na ka batusa. Hakuna ze ne ka ezahala. Ne li bonahala inge bupalelwi, bo bu fitelezi luli.

25 Kono Muhali waluna, Yana tile kuzwa kwa makamba a Kanya, inza tuluka fafasi!

26 Kakuli, nekusina mutu mwa lifasi yanakona kueza musebezi. Kaufela bona, kubulela sina lifasi, nebali mwa mukolo oswana. Neluli ona, cwalo, “kupepelwa mwa sibi, kubupiwa mwa bumaswe, lwataha mwa lifasi inge lu bulela buhata.” Mi hakuna neba yomukana wa luna yanakona kutusa yomuñwi. Lwayema lusika tuso, lukomilwe, ñalelwa kwa maneku kaufela, kamukana luna kusina swalisano. Lwa palelwa kubuluka milao ni mikiti, ka kufumana bufokoli bwa yona ni zeñwi cwalo, lwa palelwa ku lieza. Mi kwa bonahala inge kuli lusika lwa batu kamukana lwakena mwa sinyeho.

27 Mi cwale Yena ataha, Atuluka kutaha fafasi. Kakuli, “Naliteni kwa simuluho,” Biblele iize, “A ba Linzwi.” Na li yena Logos lumonyi lo lu zwile ku Mulimu. Mi Logos yeo, kwa simuluho, neli Linzwi. Mi ki Ha ba Linzwi. Mi cwale Ha na kambamile kwa lizazi la kanya la Zuho, Na si ka ba fela Linzwi, kono U tiloba Muprisita Yomutuna wa Linzwi la Hae Tota. Oh, ha ki nto kwa kutabisa ni yeo, Muzwale Neville! Unahane fela! Ha ki yena Linzwi fela, kono ki Yena Muprisita Yomutuna wa Linzwi la Hae Tota. Lukona ku li kakanya cwani? Lukona kuzwa cwani ku Yena kusina kulumela kuli lu amuhela se lu kupa? Kakuli, Yena ki yena Linzwi ni Mukupeli wa Linzwi! Logos ya ba Linzwi, mi Linzwi la ezwa nama; mi yona nama yeswana yeneli Linzwi, ya amuhelwa mwa Kanya, mi cwale ki yena Muprisita Yomutuna yasweli ku kupela, yena Kasibili, kwa Linzwi la Hae.

28 Kona zetokwahala! Zeo kona libyana ze inani Keleke. Ha ki silwaniso ni seo! Hakusikaba kale se si Cwalo fateni. Nali yena Linzwi. Mi nako Ya taha, Apepelwa mwa sicelo. A to itusisa silwaniso sa lilato, l-i-l-a-t-o, kuli akome lifasi; isiñi ka malumo

a sisole, isiñi ka litobolo zetuna ni mingomo ya lindwa. Kono Ataha ka mukwa o shutana. Ataha mwa mufuta wa lilato. Aba lilato la Mulimu.

²⁹ Nako yeñwi, kakuba fela mushimani yomunyinyani, Ne ni nahananga kuli Kreste na ni lata, mi Mulimu na ni toile; kakuli Kreste u ni shwezi, kono Mulimu na ni nyemezi. Kono Ha ni yo apuha ñobyoy nafumana kuli Kreste kona pilu ya Mulimu luli. “Mulimu u latile hahulu lifasi, kuli Afa Mwana Hae wa libanda, kuli kaufela ya lumela ku Yena asike a shwa, kono abe ni Bupilo Bobusafeli.”

³⁰ Cwale A taha, pili, ku to koma. Mi taba yana beile diabulosi mwa lifasi neli sitoyo. Mi Ataha ku to koma sitoyo. Ha lu wina lindwa zaluna, ni zeñwi cwalo, mwa lindwa za lifasi, kamita za zwa, ka tundamo, iba sitoyo; kakuli, lindwa za mufuta o cwalo ki za sila. Kono Kreste ataha ka lilato, ku to koma sitoyo, kulata bene ba sa latiwi. A taha ni silwaniso se si shutani. Mi Aikokobeza Iliyena, “a eziwa ya mwatasi nyana kufita Mangeloi,” kuli mane anyandela lifu, ni kufa mutala. Mi Ha nali mwa lifasi mo, A zamaya mwahala batu.

³¹ A bonisa lilwaniso za Hae za ndwa, ha Na folisa bakuli. Ha Na ngile mahobe a ketalizoho ni litapi zepeli, ni kufepa sicaba likiti ze ketalizoho, A bonisa kuli Nana ni mata fahalimwa atomic kaufela yeneli teñi. Na si Ka tahisa fela litapi, kono Atahisa litapi ze aphilwe kale. Na si ka melisa fela buloto mwa mahobe ani, kono Amelisa buloto bobu aphilwe kale mwa mahobe ani. Za bonisa kuli Nali yena Mukomi yomutuna yani mi yamata kaufela! Na si ka nga fela mezi mwa siliba, kono A eza mezi ani, kuba veine, azwelela mwa siliba. A bonisa kuli Nana ni Mata aku koma. Mi Na lata, mane silwaniso sa Hae neli lilato. Cwale mulemuhe.

³² Mi Asino eza cwalo, ha Na yemi zazi leliñwi bukaufi ni libita la Lazaro, mi nekuna ni muuna ya na shwile, ni kupumbekwa mazazi amane. Neba bona bene bali ni yena, babulela kuli, “mana s’a nunka.” Ngo ya hae ne se i mbobezi mwahali, mabuku na sa kalile kunyafuta kuyena. Mi Jesu ayema fani, sina Mukomi yamata, ha Na bulelezi Mareta ni Maria, inza Yemi fani ali, “Kikuli ha Ni si ka ku bulelela kuli, ‘Ha u lumela, u ka bona kanya ya Mulimu?’” Na sa felize fela kubulela cwalo (bona ba bulelela kuli “kezela luna u shwile,” ni zeñwi cwalo), Ki hali, “Kina zuho ni Bupilo! Ya lumela ku Na, ni ha shwile, u ka pila. Mi ya pila kaufela mi alumela ku Na, haana ku shwa. Hanili Ni mi bulelezi kuli ona Mata, a Kuyakuile ani a fuyozwi apila ku Na?” Na si ka bulelela fela pulelo, Na kona kupeta kaufela za Na bulelela, kakuli Nali yena Mukomi yamata.

³³ Kuina ku Yena, kuswalelela cwalo, kuipata mwa mubili wa nama, sina mutu, kono mwahali mwani hakuna yanapila mwateni usili kwanda Mulimu Yamata kaufela kaufela, yena

Yomutuna Kasibili. Na kona kubupa sinca. Na ka bupa lika zenca. Nakona ku bulela, ni sa Na kupa ne si ka fiwa ka ona muzuzu nyana wani. Kono, A ikokobeza ili Yena, A ipeya kuutwa. Na bata kufa mutala. Na bata kuba Mukomi wa mufuta o ipitezi, mi Nali cwalo. Cwale, Na iponahalize kuba cwalo.

³⁴ Sina Ha ni bulelanga kamita mwa mikopano yaka, mwendi li ka ba ni bupaki kakusasana cwana, mwa sikwata sa batu see, kakusasana omunde wo wa Zuho. Kalibe, wa keleke yeŵi cwana ya sa lumeli mwa kuamuhela Mali a Mulena Jesu. “Kusina kusuluha kwa Mali, hakuna swalelo ya sibi.” Na ni bulelezi kuli Muuna neli fela mupolofita, Muuna yomunde, mi ki Ni Mu ezize Bulimu. Na li, “Na li Bulimu. Na li Mulimu.”

Ki hali, “U lika ku Mu eza kuba yomutuna hahulu.”

³⁵ Na li, “Hakuna manzwi akona kutoloka butuna bwa Hae!” Lulimu lwa butu ha lu si ka fumana kale manzwi aswanela!

³⁶ Ne ni ambula ni muuna cwana zazi lelimuŵi, ndumeleti yazwa kwa Washington, DC, mi ki hali, kwa bupaki bobuŵi kwa—kwa mukushuko ko ne lu utwana hamoho, ki hali, “Muzwale Branham, Ni bile wa Lutheran bupilo bwaka kaufela. Kono,” ki hali, “zazi leliŵi hane luinzi mwa mikopano wa mufuta wa kale,” ali, “Na kubama kwa aletare, mi na bata kuba ni kutwisiso ni Mulimu.” Ki hali, “Mi hane Ni sa kubami fani cwalo. . .” Cwale, yo ki ndumeleti wakwa Washington mane na sebeza ni Mueteleli wa naha Cooledge. Mi cwale ha “talima mwahalimu,” ki hali, “Na bona pono ya Jesu.” Ki hali, “Na kona kubulela mishobo yenaini ye shutana, handende.” Ki hali, “Kono ha Ni si ka fumana linzwi neba li liliŵi la kubulela, mwa mishobo ye naini yeo kaufela.” Ki hali, “Kacwalo Na nanula fela lizoho laka, mi Ani fa omunca, wa kuambola ka ona.” Ki hali, “Kona ni sa zo bona fela Kanya ya sifateho sa Hae.”

³⁷ Kalibe yoo ali ku na, ki hali, “Muzwale Branham, Jesu ne sa shutani ni mutu, nali mupolofita feela.”

Na li, “Na li Mulimu, kezela ka.”

³⁸ Ki hali, “U Mueza kuba Bulimu, kono Ha ki ya cwalo.” Kacwalo ki hali, “Fa musipili cwale wakuya, kwa kupikulusa. . . kubeya, libita la Lazaro, Bibeze ize, ‘A lila.’”

³⁹ Luli, Na li yena pilu ya Mulimu tenyene. Na nyandile sina mo lu nyandelanga. Na li nama ya mubili sina mubili waluna. Na lwezi, mwa mubili wa Hae, litakazo zeswana ni litaba ze lunani. Ibo, aba Sitabelo se sipetehile, Nana ni kueza ona cwalo. Mane aeza. Kono Na li. . .

Musali ali, “A lila, ha na ya kwa libita la Lazaro.”

⁴⁰ Na li, “Kono, oh, kalibe, yeo ki niti. Na li Mutu, ha Na lila. Kono ha Yo yema fani, kwatuko ni libita lani, ko ne kulobezi mufu ali kukuza; mone ku inzi mubili o bolile, u apesizwe ki lisila; ha Na ize, ‘Amu pikuluse licwe.’ A ongaonga mubili wa

Hae hamoho, mi ali, 'Lazaro, zwa moo!' Mi muuna ya na shwile, mazazi amane, ayema ka mahutu."

41 Neli sikamañi seo? Kubola kwa ziba Mubupi wa kona. Moyo wa ziba Mulena ona. Mi yena Mukomi yomutuna mi ya mata yani abonisa kuli Una ni Mata a lifu, ni kwa lihele, ni libita.

42 Luli, si tabisa lipilu zaluna! Mubulela ka za kulizaka mikeke ni lipani, ni kuliza lipala? Lifasi li swanela kuba mwa nyakalalo kakusasana cwana, kufita mo likile la bela fateni, kuhuwa ni ku kalumuka kwa sicaba sa Hae, kakuli le ki lizazi la kupuzo ha Na komile sila sa mafelelezo, ni ku lukulula luna bazike.

43 Eeni, Na li Mutu. Yeo ki niti. Na bonisize kuli nali Mutu, mi Abonisa hande kuba Mulimu.

44 Busihu bobuñwi, fapila liwate, lelituna, ya na bizize likitikiti za bupilo. . . Mwendu babañwi ba mina bahame mo, kakusasana cwana, bashimani ba mina ba shwezi mwabuse bwa liwate lani, bona mwendi ba tibile mwatasa mandinda mwa lindwa zetuna za lifasi lee. Babañwi ba balatiwa ba mina balobezi kwande kwani, mwendi mwatasi a liwate.

45 Kono busihu bobuñwi ha Na lobezi mwa sisepe sani, mi mandinda na sweli kunata fa liwate, inge kapendelo. A yema, ni kuhata lihutu la Hae fa litusi la sisepe. A talima kwa Lihalimu, ali, "Kozo." Mi kwa mandinda, A li, "Kozo ibeteñi!" Mi lona liwate le limata lani la yubooka kufitela kupalelwa kuba neba liñonde ku lona. Kiniti, Na li cwalo!

46 Ki niti kuli Na lapeli sina Mutu. Ha Na tile kuzwa fa lilundu A lapa, atalima kwa kota kuli afumane sa kona kuca, Na li fela Mutu. Kono ha Na ngile mahobe a faifi ani ni litapi zelikani, ni kufepa likiti ze ketalizoho, Na fitelela Mutu.

47 Ha Na shwile ka myaha ye mianda yenainti kwa mulaho, zazi la maloba, na pahekilwe fa sifapano, inza lilela sishemo, "Mulimu wa Ka, Mulimu wa Ka, U Ni tuheleziñi?" A shwa sina Mutu. Kono myaha ye mianda ye naintini ni yeñwi cwalo kwa mulaho, kakusasana cwana, Abonisa sa Na li sona! A fa liswayo la mafelelezo kwa bumesia bwa Hae nako Ya to loba mata a lifu ni lihele fahali, ni kuzuha mwa libita, akoma, "Na pila kuyakuile! Mi, kakuli Na pila, ni mina mu ka pila cwalo!"

48 Ki yoo fo Mukomi! Mubulela ka za kutubula mikanjo ni ku i zukuza? Batu ba bulela kuli lwa lyangana kakuli lwa huwanga ni kumata mata, ni ku kalumuka ni kuhuweleza. Ha ba si ka utwa kale kunjanja kwa tulo ya Lihalimu, kuli, "Ndwa i felile!" Mukomi waluna yomutuna, u komile ndwa! U yemi anosi, kakusasana cwana, kusina ya muswala!

49 Nako ya Na tile mwa lifasi, ba Mu fa libizo leli mwatasi hahulu ku o ne ba ka Mufa, la kuli "mufitelezi wa tumelo." Ba Mu biza kuli *Baalezebubi*, "nduna wa mioya." Yeo ki niti. Aya kwa munzi omwatasi hahulu mwa lifasi, Jeriko, ni muuna

yomunyinyani hahulu yanaliteni mwa munzi mane atalima fafasi kuli a Mubone. Kono fani Mulimu, myaha ye mianda ye naintini kwa mulaho, a Mu zusa! Kona mutu za na Mu ezize. Kono, ka silwaniso sa lilato, A koma dimona kaufela.

⁵⁰ Mi Mulimu a Mu pahamisa hahulu, ni ku Mufa Libizo le li fahalimu a mabizo kaufela a biziwa mwa Lihalimu ni lifasi. Libizo kaufela mwa Lihalimu li kubamela kwa Libizo la “Jesu”! Lingeloi kaufela, muika kaufela, lika kaufela likubamela kwa Libizo la “Jesu”! Lulimi kaufela lu ka Mu bulela, liñwele kaufela li ka Mu kubamela. Mi U pahamisizwe hahulu fahalimu, kufitela mane Una ni kutalima fafasi habata kubona Lihalimu. Yoo ki yena Mukomi yamata kaufela! Yani ki Yena yana ezize cwalo! Ha Na siile lifasi, kuzwa foo, busihu maabani nelubile, Nana ni linotolo za lifu ni lihele inge li lepelela fa noka ya Hae, amen, “Musike mwa saba, Ki Na yana shwile, mi na pila hape kuyakuile. Mi” (*mi* ki kutamahana) “Ni na ni linotolo za lifu ni lihele, ki ze za lepelela *fa*.” Mubulele ka za Mukomi! “Mi, kakuli Ni komile, Ni lukiselize fela nzila kuli mufite ka yona.”

⁵¹ Mutu na hanilwe kwa Lihalimu, linzila ne li kwalilwe. Nekusina linzila za makululu. Kono, ko ne kusina makululu, Ataha ku to eza amañwi kuona. Oh, mawi! Mukoloko wa pili neli madimona a sa lumeli, otatama neli kuakaleza, otatama neli buitati; lifasi le ne li apesizwe ka mata a madimona; ni matuku ni makulano. Kono cwale A kala ku kambamela kwa Lihalimu! Maabani busihu nelubile ni Yena inza zwa mwa lihele, ka linotolo za lifu ni lihele fa noka ya Hae. Kakusasana cwana lwa Mu nanula. Haleluya! Ha Na zuhile, Nana ni... A koma. Mi, ha Na kambama, A loba mata a diabolosi a na swasize mutu. A kambamela kwa Lihalimu, mi afa limpo kwa batu, limpo za Moya o Kenile. Mukomi yomutuna yamata kaufela! U yema anosi, kakusasana cwana! Mi, mwahala Yena ni mulumeli kaufela, ki nzila yefuyozwi ye kenile mo ku ka zamaya ya lukile. Hakuna mukwa wa ku baleha kuyona. Kuna ni fela mundandwe ulimuñwi fela kuzwelela kwa Kanya. Na siile mitala ya Mahutu a Mali ha Na zamaile mwa malibela a mata a madimona, mi a lu lukiseza nzila, nzila ye yo punyeleza koo. U inzi mwa Lihalimu, kakusasana cwana, sina Mukomi yamata kaufela!

⁵² Sicaba sa hae sina ni nyakalalo. Likitikiti ze mashumi za bona, mwa lifasi kaufela, lisweli kuhuwa ka tulo.

⁵³ Ni boni keleke ya sihali-hali ye ha i kopanya. Na kona kunahana kuli yomuñwi nabulela kuli... Ni ka kubonisa mwa kuzwela mwateni.

⁵⁴ Kwanu, Ndwa ya Pili ha i to fela fela, liñusa ne litaha kwanu, ka mbasi ya ba Greyhound. Se bali, “Lilata le ki la sikamañi? Ki zañi ze kaufela?”

55 Mi alimuñwi wa bona ali, “Talima kwanu, ki ye pampili. Ndwa kona i sa zo fela feela.” Mane mañi ni mañi wa lila ni kuhuwa.

56 Kono musali yomuñwi ali, “Oh, mawi, kiñi ha ne ifelile cwalo?” Ali, “Kambe ne i ka ekeza fateni mazazi nyana,” ali, “John ni Na neluka ina mwa mukwakwa o sina butata.” Ali, “Kambe kona fo luinezi kwani.”

57 Nekuna ni muuna ya na yemi kwa mulaho wa sipi ya mbasi; na swala musali yani, na bata ku mu nepela mwa munyako. Mi mapokola ha yo swala muuna yani, ali, “Libaka le Ni ezelize cwalo,” ki hali, “musali yani nasina neba alimuñwi kwani ya na tokomela. Kono Ni na ni bashimani bababeli kwani.” Ki hali, “Ne ni palelwa ku itiisa ku sa lila.”

58 Oh, muzwale! Ni na ni ndate mwabuse bwani. Nina ni balatiwa mwabuse bwani. Ki nto yeñwi kuna, nako ya na komile Jesu. Ni na ni mufumahali. Ni na ni mbututu. Nina ni balatiwa. Yena Mukomi, yamata kaufela yani! Wa kona ku ni biza kuli “mupikuluhi ya kenile” kamba “mufitelezi wa tumelo,” kaufela mo latela. Kono, ha Ni nahana za ndwa yetuna yani kuli ifelile, mulatu u lifilwe, tulo i winilwe. Jesu na zuhile kwa bafu, liswayo la mafelelezo la bumesia bwa Hae, kuli kona mafelelezo. Wa pila, kakusasana cwana, ana ni linotolo za lifu ni za lihele. Ni na ni balatiwa babali kwabuse bwani. Na ni mwa musipili wa nzila yende yee, ni zamaya ku yo ba bona. Musike mwa nahana kuli Ni lyangani. Oh, kono Ni tabile hahulu kuli li felisizwe! Ki musebezi o felile kale.

Kupila, A ni lata; kushwa, A ni pilisa;
Kupumbekwa, A lwala libi zaka;
Kuzuha, U ni eza ya lukile kamita;
Zazi leliñwi A taha, O zazi lelinde!

59 Yona kolobezo yende ya Moya o Kenile yee, ye lu zamaisa mwa nzila ya kale yende yee, oh, ha Ki kanya ni yeo! Ni kona cwani ku I swabela? Ni yema ni Yakenile Paulusi, kakusasana cwana, ka kubulela kuli, “Ha ni swabeli Evangeli ya Jesu Kreste, kakuli Ki Mata a Mulimu aisa kwa puluso.” Ki Mata a koma matuku. Ki Mata akoma lifu. Ki Mata a koma libita.

60 Muapositola ya buhali yani, wa kale ha taha kwa mafelelezo a nzila ya hae, mi ba kata libita la hae kwani, mi lifu ne li mu talima mwa pata, a seha inza talimile mwa pata a lona. Ki hali, “Lifu, bukai buhazo bwa hao? Libita, ikai tulo ya hao?” Mi ki ha kalumuka kulumba Mulimu, “Kono kulumbwe Mulimu Ya lufa tulo ka Mulena luna Jesu Kreste!”

61 Mukomi yamata kaufela yakile apila, Mukomi yamata kaufela yakile ashwa, kakuli Nali yena fela Anosi ya na komile kukoma; kushwa, ni ku koma lifu kasibili, ni kuzuha hape mwa tulo! A bonisa sa Na li sona. Neli liswayo la mafelelezo la bumesia bwa Hae.

62 Mi cwale, ka kolo yeo, haiba ku kaba yomuñwi mwa muyaho mo kakusasana cwana, yali fela membala ya enya wa keleke, ya sa zibi tabo ya ndwa ha i felile. Sicaba sa huwa, sicaba sa nyakalala, sicaba sa lila! Mu li, “Ki butata mañi bobuli ni bona?” Ba ziba kuli ki taba ye felile. Kaufela li felile! Luli! Lusweli ku [Muzwale Branham ukambela mazoho a hae—Mu.] nata libyana. Lusweli kulizaka litolombota zaluna, ni Evangeli isweli kuya itima. Kanya ni Mata a Mulimu a zibahala. Mi ki musebezi o felile, tumelelano i nyatezwi; kanya ku Mulimu, Kreste na i nyatezi mwa Mali a Hae Tota! Ndwa i felile. Tulo i winilwe. Ne si na yana iwinile; Kiyena ya na i komile! Ni tabezi fela ka zona. Mawi!

63 Babañwi ba bashimani bani bene bazwa kwabuse bwa mawate, ba ni bulelela kuli, sisepe sitaha kwa New York, ha si to fita fa likamba, ba talima kwani mi babona Sibupiwa sa Tukuluho. Kona nto yapili yo bona, ye comohile. Ba yema, babañwi ba bona neli lihole bene bainzi fa litusi la sisepe, kuli ba i bone. Mi ha ba kala kubona Sibupiwa sa Tukuluho sani, ba kala kulila. Ba lila. Ne ba sakoni kuitiisa. Muuna yomutuna cwana a yema kwani, muuna yana ni mazoho amatuna a pazauhile, inza sweli kunjanja ni kunyungana. Ne ba sa koni kukuza. Kiñi? Neli sisupo sa tukuluho. Kwa mulaho fela wa Sibupeho sa Tukuluho, kulobezi . . . bondate, boma, balatiwa, mulatiwa, mufumahali, mbututu, lifasi le kaufela litalusa bunde kubona, baina fela kwamulaho wa lona. Mi ba si ka kena fela kale mwahali, ba lemaha, kuli neli naha ya baba lukuluhile ni munzi wa bahali. Luli, likona kunyunga maikuto a mina, ona ndembela ya kale yesweli kupepela yani. Munahane ka zona, muika wa ndwa ataha kwa likamba! Kiniti, neli nako yende.

64 Kono, oh, muzwale, leliñwi la linako za kakusasana ze, Sisepe sa Sione ha si ta lila, mi Na bona sisupo inge siyemi fani, Sifapano sa kale! Liñungwa ha ne li fuka cwalo kunata fa masila a mubala o museta, hanze si zamaya mwa mbundu ya lifu. Ha ki tulo ni yeo! Kiñi, ki kabakaleo ha lu sakoni kukuza! Kuna ni se si ezahalile; lubile bañi ba naha. Taba yateni ifelile.

65 Ha ne ba bapuzi mutano mwahala Mutulo ni—ni—ni—ni Mboela wa Australia, kuzwa kwa Sidney, kutaha kwa Mboela wa Sidney. Kuli mane mutu kaufela nga . . . Kiñi, nebaile mwa naha kaufela, kulika kufumana mutu yakona kulieza. Musebezi wani neli omutuna hahulu, kakuli ne ba ize kuli hakuna yakona kueza cwalo. Mafelelezo, muuna yazwa kwa Englands ali, “Ni ka eza musebezi.” Mi ha yo fita kwani kuli a yoeza musebezi wani, atatuba lisipi kaufela ze ne keni mwa mutano wani. Libubo la hae ne li ka sinyeha. Atatuba sileze kaufela ni lika kamukana ze ne keni mwa mubu. A fita kai ni kai, ni zende kaufela za na konile kufumana; a kubukanya libelekiso zende luli, libyana zende luli, zende luli ku ze li teni za na fumani, bukaufi ni yena. Mi, ka

kufeleleza, mutano wani ha u to fela, mi lizazi la fita fo ne u lukela ku tatubiwa.

⁶⁶ Bahanyezi ba yema kwa neku leliñwi, mi se bali, “Hauna ku tiya. U ka nyanganyiswa. Kuna ni mushabati omuñata luli kwani.”

⁶⁷ Kono a kata mwatasi, mwatasi, mwatasi, mwatasi luli mwa mubu. Nana ni sepo. Na ziba kuli lika kaufela ne li tatubilwe. Mi ki hali, “Ni ka sila musipili wapili kwabuse, na kasibili.” Mi ha na zamaya cwalo fa mutano, fapila mubusisi, yena inza kwa mulaho cwalo; ni litima zetuna, mwendi ze swalani likocikala ze silezi cwalo, inge litaha mwa mulaho, kuli linyunge mutano wani. Muuna tuna ya na u yahile, na zamaya kwapata a bimbayambaya byeo, ona cwalo, “Haiba mutano u wa, Ni kawa ni ona.” Kono nana ni sepo.

⁶⁸ Kono cwalo Mulena luna ya fuyozwi mwa na ezelize Na yaha Keleke ya Hae! U tatuba lisipi kaufela, kaufela ze zamaelela ni Yona, kakuli Lina ni kutapiswa ka Mali! Mi alimuñwi wa bahanyezi na yemi kwa neku leliñwi, ali, “Sikwata sa bapikuluhi baba kenile sani, habana ku silela mwabuse.” Kono leliñwi la mazazi amande aa! Yena yomutuna, Mukomi yamata kaufela yoo uya kwapili aluna kacenu, inza koma! Ha i nyanganye, ieze ze ibata kaufela, Uka. . . Hakuna kuba neba mwandala ulimuñwi ku ona, hakuna, kakuli U lukisize kale nzila, ni ku i feza. Luli!

⁶⁹ Lu nahana kacenu ka mayemo a sicaba, lubeya maikuto aluna fa litaba za lifasi. Kono haluboneñi ni mi bulelele nto yeñwi, muzwale, Ni si ke na swabela Evangeli! Oh, muzwale, Na ni wa mufuta fela wa kale, ya pepilwe sinca, yapepilwe ka Moya o Kenile, ili Moya wa Mulimu. Ne ni pepilwe ona cwalo, kona fela mo Ni inezi, ni mo Ni batela kubela ona cwalo.

⁷⁰ Nako yeñwi, ha ki kale hahulu, nekuna ni musizana yanaile kwa koleji. Mi neli musizana yomunde, luli ya lateha. Mi ha yo kutela kwa lapa, ataha ni ngana yeñwi ya kwa koleji.

⁷¹ Mi mwendi, kakusasana cwana, babañwi ba mina nemuna ni maikuto amina a kusibili. Mwendi mu nahana zecwalo, kwa keleke, buñata bwa milelo ya mina. Kihande, muzwe ku yona, kona nto yende ye Ni ziba mwa kuezeza.

⁷² Mi cwale musizana yoo, sitima ha si yo yema kwa kwapili. Ataha ni musizana nyana cwana, alimuñwi wa basizana ba kuutela fa malupi baba lemezi baa, mwa ziba, inge mufuta wa Elvis Presley. Mi ha na yemi fani, mwa ziba, fa sitima, bomahe ne bainzi, fa nde; musali muhulu yana yemi fani, bana ni bibonena kaufela mubili, kwa sifateho; ba basisani, ni maheta a comohile; ni ndelesi ya lisila la kilimpulini, ni taulo nyana fa maheta a bona. Mi musizana ya lemezi yoo yanali ni yena, musizana yomuñwi yoo, atalima fande, mi ali, “Kihande, ki mañi mubotana yani, ya bonahala cwalo ki bumaswe?”

⁷³ Kihande, mwa ziba, za utwisa musizana yani maswabi hahulu, mi ali, “Ha ni zibi,” kakuli bonahala kukutekeha hahulu, mi nana ni mihupulo yemiñata ya lifasi mwa toho ya hae. Mi neli bomahe luli.

⁷⁴ Ha yo tuluka mwa sitima, bo musali muhulu ba mu matela, kuli ba mu kumbatele mazoho. Se bali, “Oh, mulatiwa, Mulimu afuyole pilu ya hao yenyinyani.” Musizana aba kasheza kusili ni kuikela, inge kuli na sa ba zibi. Na i kutwile maswabi, kakuli bomahe neli baba maswe hahulu.

⁷⁵ Mi kwa ezahala kuli, mutusi wa mucaindisi wa sitima sani, na ziba likande. Aya kwateni, ni kubeya lizoho fa liheta la musizana yani, amu talimisa kwa sicaba kaufela, ali, “U no swaba! U no swaba!” Ali, “Ni boni linako bomahe ha ne bali babande kukufita wena linako zelishumi za bunde.” Ali, “Nebali. . . Ne ni pila fa kaufi mabapa nibona.” Mi ali, “No li fela mbututu yomunyinyani, mi no lobezi fandu yafa halimu mwa kambeta ka hao. Mi bomaho ne basweli ku yanaha liapalo fa mufohola kwa maandamino.” Mi ali, “Hañi hañi fela, situngu sa kala kutuka, mi ndu kaufela ya yaka mulilo. Mi cwale bomaho basali fela basizana ha ba yo mata, ni kuziba kuli noinzi mwa ndu ya, fahalimu yani.” Ali, “Ba huwa, ni kulika ku mu yangwela. Kono ba tutula sene ba sweli, sa wa, ni kumata kukena mwa malimi ani, kupahama fahalimu; ni kuikapula liapalo zabona fa mubili, ni kukutateza ku zona. Mi ki bao ba taha, kwa mulaho wa malimi ani, inge ba ku nanuzi. Mi ba welela, mwa patelo, bali ku kuswalelela mwa mazoho.” Mi ali, “Ne ba ikapuzi sene si lukela ku ba sileleza, kuli ba sileleze wena.” Mi ali, “Libaka lo bezi yomunde kacenu, kona le ba bezi ni bumaswe cwalo. Mi, u ni taluseza kuli, ukona kuswabela mañiba ao a bomaho?”

Ni nahana kacenu:

Haiba Jesu kana aka lwala sifapano anosi,
Mi lifasi kaufela lizamaye li lukuluhile?
Kuna ni sifapahano sa mutu kaufela,
Luli kuna ni sifapahano sa ka.

⁷⁶ Haiba Jesu ki yena ya na bizwa kuli “Baalezebubi,” ki lifasi le, Na sehilwe ni kuboniwa bukuba, ni kupahekwa fa sifapano, aswabiswa bakeñisa na, Ni tabile hahulu ka kulwala kunyefuliwa kwa kukena kwa Hae. Eeni, sha. Kubizwa, “Mupikuluhi ya kenile!” kaufela se mubata kubiza, mubulelelo kaufela o mubata kuba ni ona. Seo ha li li palelisiw neba hanyinyani. Na ni tabile luli, kakusasana cwana, kuli, mwa pilu yaka, Kreste ya zuhile wa pila mi wa busa. Ni alimuñwi wa batu ba Hae. Ni sepa kuli ni mina, mu cwalo.

⁷⁷ Nako yaluna ifelile cwale. Seli sebene kiloko handende, fo ne lu bulelezi kuli lu kabe lu zwile. Lisebelezo zeñwi li ka kalisa mwa liholo zepeli, cwale, ka naini-seti.

Ha lu inamiseñi litho zaluna, fa nako nyana fela, mwa tapelo.

⁷⁸ Ndata luna yakwa Lihalimu ya Fuyozwi, mizuzu ye fofe-faifi ifelile, Linzwi li shaezwi. Lipilu zaluna li tabile. Nyakalalo ikalile; isiñi fela nyakalalo ya zazi li liliñwi, kono ki nyakalalo ya Kuyakuile! Mwa Kanya, Mangeloi asweli aopela. O Mulimu, Keleke, tulo, isweli ya opela. Milangu ya tabo isweli ya lila. Myoyo yene atulwa nako yeñwi kuliba kwa lifu, ni kushwa ni kuya kwa libita la diabulosi; diabulosi u komilwe! Lifu li komilwe. Libita li komilwe. Butuku bu komilwe. Kuakaleza ku komilwe. Pilu seta i komilwe. Sitoyo si komilwe. Kusa iseza ngana kwa lika ku komilwe. Kuandalala milala ku komilwe. Buitati bu komilwe. Lika kaufela li komilwe. Krete ki yena Mukomi yamata kaufela!

Amubone, Mukomi yamata kaufela, (kwa
bulela muloki)
Amubone, mu Mubone hande patalaza,
Kakuli ki Yena Mukomi yamata kaufela,
Kuzwa Ha pazula lisila fahali.

⁷⁹ A pazula lisila lani lene li pata mutu ku Mulimu, mi cwale Mulimu upila mwahala batu. Na pazuzi lisila lani lene li tibela foliso ya Mulimu. A pazula lisila lani lene li paleliswa mbuyoti ya Mulimu. A pazula lisila lani lene li tibela tabo ya Mulimu. A pazula lisila lene li tibela kozo ya Mulimu. Cwale lisila lipazuhile fahali. Ka Mali a Hae Tota, A zamaya sina Mukomi! Ndwa i felile, U ibonahalize ku luna mwa zuho ya Hae. Mi cwale Moya o Kenile ki paki, ya lumilwe ku to lu zamaisa.

⁸⁰ O Mulimu wa Kamita, haiba kuna ni ni yomuñwi moo kakusasana cwana, ya sa zina zina, mwahali ni fande, kwahule ni nzila, ya wezi kwa matuko a nzila; ya si ka kona kale kuzamaela mwahala nzila, ni bahali babatuna, bona bahali babatuna baba zamaezi mwahali a nzila; lwa lapela, kakusasana cwana, kuli ba fe zabona kaufela ku Wena, ni kutaha baikole tulo tuna yee ye winilwe ki Mulena luna ya zuhile. Lumeleza cwalo, Ndate, kakuli lu kupa ka Libizo la Krete.

⁸¹ Mi cwale ha lu nze luinamisa litho zaluna. Ha ni zibi, mwa nako yona yee, kuli haiba muka kona kunanula mazoho amina ku Krete, ni kubulela kuli, “Krete, Na itumela, Ha ni sa Ku swabela fateni hape. Ni bile fela wa maswabi ya sialezi cwalo.” Mulimu aku fuyole, kalibe. Mulimu aku fuyole muñaka. Mulimu akub fuyole, wena. Oh, mawi, mazoho ananuha kai ni kai! “Ni bile wa maswabi swabi. Ni bile yana ni maswabi cwalo. Mi Na bona siyemo saka cwale. Ne ni sa lukeli kueza cwalo. Ni swanela kuyema hande, nife bupaki bwaka! Ni lukela kuba ona cwalo handende. Ni swanela kubulelela mañi ni mañi, ‘Ni pepilwe sinca.’ Ni swanela kubulelela mañi ni mañi kuli, ‘Ni amuhezi Moya o Kenile.’ Ha ni swabeli Evangeli, kakuli Ki Mata a Mulimu

aisa kwa puluso. Ni bata kuba Mukreste yayemi hande kuliba kwapili. Ha ni si kaba ya cwalo. Kono, ka tuso ya Mulimu, kuzwa kakusasana wa Zuho wo, Ni kaba cwalo. Ni kaba cwalo.” Yomuñwi ananule mazoho cwale lusika lapela kale? Mulimu ku fuyole, wena, wena.

⁸² Mawi, amutalime fa buiketelo! Mbweshwa ki twenti-faifi kamba seti, babaliteni mwa sicaba se si likani se kakusasana cwana, ba iketezi. Kuzwa kakusasana cwana wa tulo, ba kaba cwalo, ka muhau wa Mulimu, bayeme mi basike ba swabela Evangeli, kakuli Ki Mata a Mulimu aisa kwa puluso.

⁸³ O Mulimu, sina mazoho ani ha nanuhile cwale, ni minembo isweli ku luuma mwahala a musipili, sina ha lu zwile kwa lifu kukena mwa Bupilo, kakuli Wena u ize, “Ya utwa Manzwi a Ka, mi alumela ku Ya Ni lumile, una ni Bupilo bobusafeli.” Ba zwile kwa lifu kukena mwa Bupilo, kakuli Ū bile lifu kuli bona bane Bupilo, ka zuho ya Hao. No ezizwe ya mwatasi kufita Mangeloi, wa taha fafasi ku to ba mutu, wa zwa mwa mubili tuna wa Bungeloi wani Kwabuse, ono ezizwe nama ni kuba ni Mali, ni kusulula Mali ani, kuli Ulu ezeze nzila ya kusaba ka yona kaufela luna. Mi ne si cwalo fela, (lu ipalezi zona mwa Bibebe), kono Wa li bonahalisa, kusina kupalelwa, ka kuzuha kwa bafu, mi wa zusa ni bafu ha No li fa lifasi faa; isiñi seo fela, kono Wa fa, U li ezize bupaki kwa maneku amabeli, sina Mo no ezelize ku Abrahamama; cwale, kwanda seo, Wa luma Moya o Kenile kuba paki. Mi luna ni Pata ya Hae yende ni lu luna, ni mo ku luna, ye lu zamaisa, ku luisa mwa Niti kaufela ni Liseli.

⁸⁴ Lwa itumela ku Wena ka mazoho amañata ananuhile aa, kuli, “Ni nga Krete cwale kuba waka.” O Mulimu, haiba ha ba si ka kolobezwa kale mwa mezi, ku yemela lifu lelituna, kupumbekwa, ni zuho ya Mulena yomunde, ha ba kutele kwa sebelezo kakusasana cwana, batise liapalo zabona, ni kuitukisa kukena mwatasi a lisa le li bata kukangela. Lumeleza cwalo, Ndate.

⁸⁵ Lu fuyole. Lu swalele libi zaluna. Lu ka Kufa milumbeko, mwahala masika a taha. Ndwa ha se ifelile, musi kaufela ha u so felile kutushana, ni tabo se i felile kaufela, ya milomo ya nama yee, ko lu Ku lumbeka ka lika kamukana ze lunani, lu ka yoba ni manzwi amanca, libupiwa zenca, za ku Kulumba ka zona. Ha lu keneñi ku zona ka tabo. Kakuli lu kupa ka Libizo la Krete. Amen!

⁸⁶ Ha lu yemeñi cwale...?.. Musike mwa libala lisebelezo, naini-seti. Muye kwa mandu, mu i cele mukushuko wa mina. Muyo kuta, lu kulubela kuba ni mina cwale. Mi hape ni busihu boo, muhupule. Ni swanela kuya kwahule musihali woo, kubala ni kulapela.

⁸⁷ Kakuli Ni mi bulelela, kuli, Krete wa pila, Ha si ka shwa. Mi Na lumela, ka pilu yaka kaufela, Ukaba mwa muyaho mo busihu

cwana, kubonisa kuli Wa pila, ku to eza lika zeswana za Na ezize la Zuho yapili yani kakusasana ni mwa musipili wa bupilo bwa Hae mwa lifasi. Haiba ha ku cwalo, kipeto Ni bile mupolofita wa buhata. Ni tabile hahulu kuziba kuli mwa hola tuna ye lififi mo lupila mo cwale, foo sepo kaufela, ibonahala kuli, se ifelile; Kreste, Licwe le litiile kona fo lu yemi, libaka zeñwi kaufela ki lishabati. Ku lukile.

⁸⁸ Pina yaluna yenyinyani ya kuzwa ka yona, yakuli *Unge Libizo La Jesu Ko Uya*. Mañi ni mañi, hamoho cwale.

Unge Libizo la Jesu,
Mwana wa manyando ni bumai;
Lika kufa tabo ni . . .

⁸⁹ Amu fetuhe, ni kuswalana mwa mazoho, ni kubulela kuli, “Kulumbwe Mulena,” ku yomuñwi yali bukaufi ni wena. Kihande, kulumbwe Mulena . . .? . . .

Sepo ya lifasi ni tabo ya Lihalimu;
Libizo Lelinde, O kwa munati!
Sepo ya lifasi ni tabo ya Lihalimu.

⁹⁰ Cwale mañi ni mañi amutalime neku le? Ha lu mu lumbekeñi fela. Hamu nanule fela mazoho amina, ni kubulela kuli, “Ni itumezi, Mulena, ka kupilisa moyo waka.” Ku lukile, mañi ni mañi!

Ni itumezi, Mulena, ka kupilisa moyo waka.
Ni itumezi, Mulena, ka ku ni folisa.
Ni itumezi, Mulena, ka kunifa,
Puluso ya hao yetuna mi yesina tifo.

⁹¹ Ha ki taba kwa bunde! Kana mwa Mu lata nji? Muli, “Amen.” Oh, ki . . . Lika kaufela lifelile cwale, bana. Lika kaufela li felile, hokusana ndwa, hokusana kulwana, hokusana zo lukela kueza; li ezizwe kale. Ha lu nyakaleñi fela! Oh, mawi! Lu petahalile, ku Yena!

. . . yendamena,
Ni piliswa mwa likozi kamukana;
Yendamena, yendamena,
Kuyendamena fa Lizoho la kamita.
Oh, ha ki bunde kuzamaya wa nzila ye,
Kuyendamena fa Lizoho la kamita.
Oh, haki bunde ni boo nzila mo i monyehela
zazi ni zazi,
Kuyendamena fa Lizoho la kamita.
Yendamena, yendamena,
Ni piliswa mwa likozi kamukana;
Yendamena, yendamena,
Kuyendamena fa Lizoho la kamita.

Mina mukona, mi mu nani kataulo, ha mu ka zwise.

. . . oh, kuyendamena,
 Ni piliswa mwa likozi kamukana;
 Yendamena, yendamena,
 Kuyendamena fa Lizoho la kamita.

Cwale Bibeles ya hao!

Yendamena, yendamena,
 Ni piliswa mwa likozi kamukana;
 Yendamena, yendamena,
 Kuyendamena fa Lizoho la kamita.

⁹² Kinto mañi yeo? Ni iketile ni silelezwa, maneku kaufela, kamukana lifelike, ndwa ifelile, liswayo la mafelelezo li lobilwe, U kambamisizwe. Haleluya!

Yendamena, yendamena,
 Ni piliswa mwa likozi kamukana;
 Yendamena, yendamena,
 Kuyendamena fa Lizoho la kamita.

⁹³ Cwale ha lu inamiseñi litohe zaluna lutalime liluli kwa na lu zusize Mulimu, koo zazi leliñwi lu ka zwa mwa liluli la lifasi. Kakuli, Mulena luna, na zusizwe mwa liluli, aya kwa liluli, kuli afe ku luna Moya wa Hae o sa shwi, A kambama kuzwa mwa liluli, mi kamukana babali ku Yena, ba ka ngelwa ba kambame ni Yena zazi leliñwi, kwa libaka za baba fuyozwi.

⁹⁴ Halunze lu inamisize litohe cwalo. Ni bona Muzwale Smith uteñi mwahala luna, kakusasana cwana, mulisana wa Church of God; na ni lizelize maabani busihu. Muzwale Smith, akutahe fela kwanu. Ha ni zibi cwale, haiba Muzwale Smith uka lu lukulula ka linzwi la tapelo. Hamunze mu akufela cwalo kwa malapa amina, ni kuba ni mukushuko wa mina. Mukutele kwa sebelezo Sikolo sa la Sunda, ni sebelezo ya kolobezo, kapili fela kukala ka naini-seti. Ha lu inamiseñi litohe za luna, Muzwale Smith ha sweli kulukulula ka tapelo.



MUKOMI YOMUTUNA MI YAMAATA KAUFELA LOZ57-0421s

(The Great And Mighty Conqueror)

MUKOLOKO WA LISEBELEZO ZA PASEKA

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda ya Paseka kakusasana halipazula fela, Lungu 21, 1957, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org